

T-1

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 8. telefonskoj sjednici, održanoj dana 15.02.2024. godine, d o n o s i

ZAKLJUČAK

I.

Utvrđuje se Prijedlog Zakona o izmjeni Zakona o plaćama i naknadama policijskih službenika Zeničko-dobojskog kantona.

II.

Prijedlog Zakona iz tačke I. ovog zaključka se upućuje u dalju skupštinsku proceduru po skraćenom postupku.


III.

Zaključak stupa na snagu danom donošenja.

Broj: 02-02-2984 /24
Datum, 15.02.2024. godine
Zenica

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x Stručna služba Vlade,
1x a/a.



Na osnovu člana 37. stav 1. tačka f) Ustava Zeničko-dobojskog kantona Skupština Zeničko-dobojskog kantona, na ____ sjednici održanoj dana __.__. 2024. godine, d o n o s i

ZAKON
O IZMJENI ZAKONA O PLAĆAMA I NAKNADAMA POLICIJSKIH SLUŽBENIKA
ZENIČKO-DOBOJSKOG KANTONA

Član 1.
(Izmjena člana 7.)

U Zakonu o plaćama i naknadama policijskih službenika Zeničko-dobojskog kantona ("Službene novine Zeničko-dobojskog kantona", broj: 13/17 i 4/22) u članu 7. stav (3), broj: "0,5", zamjenjuje se brojem : "0,6".

Član 2.
(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Zeničko-dobojskog kantona", a primjenjivat će se od 01.01.2024. godine.

Broj:
Datum,
Zenica

Predsjedavajući Skupštine

Ćazim Huskić

Obrazloženje

I – PRAVNI OSNOV

Predloženi Zakon o izmjeni Zakona o plaćama i naknadama policijskih službenika Zeničko-dobojskog kantona donosi se na osnovu člana 37. stav 1. tačka f) Ustava Zeničko-dobojskog kantona.

II – RAZLOZI ZA DONOŠENJE ZAKONA

Zakon o plaćama i naknadama policijskih službenika Zeničko-dobojskog kantona objavljen je u „Službenim novinama Zeničko-dobojskog kantona“, broj: 13/17 i 4/22.

Donošenju Zakona o izmjeni Zakona o plaćama i naknadama policijskih službenika pristupilo se nakon što je Kolektivnim ugovorom za službenike organa uprave i sudske vlasti u Federaciji BiH ("Službene novine F BiH", broj: 98/23) zaključenim između Sindikata državnih službenika i namještenika u organima državne službe, sudskoj vlasti i javnim ustanovama u Federaciji BiH i Vlade Federacije BiH, postignut dogovor o povećanju procenta minulog rada po osnovu penzijskog staža sa 0,5 na 0,6%. . Smatramo bitnim napomenuti da je i Vlada Kantona Sarajevo sa Sindikatom policije Kantona Sarajevo zaključila Kolektivni ugovor ("Službene novine Kantona Sarajevo", broj:4/24) u kojem je u članu 27. stav (3) propisano da je procenat minulog rada 0,6% za svaku započetu godinu staža osiguranja, s tim da ukupno povećanje ne može biti veće od 20%, a koje pravo je bilo regulisano na isti način i u prethodnom Kolektivnom ugovoru u Kantonu Sarajevo.

Tragom gore navedenih potpisanih Kolektivnih ugovora, Sindikat policije Ministarstva unutrašnjih poslova ZE-DO kantona obratio se prijedlogom za izmjenju Kolektivnog ugovora za policijske službenike u Ministarstvu unutrašnjih poslova Zeničko-dobojskog kantona, na način da se u članu 33. navedenog ugovora "izvrši uvećanje iznosa za minuli rad za 0,6% za svaku punu godinu radnog staža policijskih službenika, s tim da ukupno povećanje ne može biti više od 24%".

Nakon izvršene analize zahtjeva Sindikata policije, utvrđeno je da nije dovoljno izmijeniti samo Kolektivni ugovor za policijske službenike, obzirom da su plaće i naknade policijskih službenika regulisane kantonalnim Zakonom o plaćama i naknadama policijskih službenika, koji je opet donesen na temelju Zakona o plaćama i naknadama policijskih službenika Federacije BiH ("Službene novine F BiH", broj: 28/10) .

Članom 31. Zakona o plaćama i naknadama policijskih službenika Federacije Bosne i Hercegovine propisano je da će se visina i način ostvarivanja plaća, naknada, dodataka na plaću, koeficijenti i platni razredi policijskih službenika u kantonalnim ministarstvima unutrašnjih poslova, utvrditi kantonalnim propisom koji će sadržavati načela iz člana 4. ovog zakona i biti usklađeni sa članom 3. stav (2) i člana 6.,7. i 9. ovog zakona. Član 4. navednog Zakona propisuje da će se pri određivanju plaće i naknada za policijske službenike poštovati načela: 1) ista plaća za isti čin policijskog službenika, 2) transparentnost: pri objavljivanju javnog konkursa ili oglasa za popunu slobodnih radnih mjesta policijskog službenika obavezno se objavljuje podatak o pripadajućoj osnovnoj plaći za oglašena radna mjesta. Član 6. navednog Zakona propisuje da osnovnu plaću policijskog službenika određuje osnovica iz člana 8. ovog zakona pomnožena sa koeficijentom platnog razreda iz člana 9. ovog zakona i iznos povećanja po osnovu radnog staža iz člana 7. stav (3) ovog zakona. U članu 7 stav (3) propisano je da se plaća povećava za 0,5% za svaku punu godinu radnog staža, s tim da ukupno povećanje ne može biti veće od 20%.

Na osnovu naprijed navedenog, smatramo da Zakon o plaćama i naknadama policijskih službenika Federacije BiH ne obavezuje kantone u pogledu utvrđivanja visine procenta za uvećanje osnovne plaće po osnovu radnog staža, te stoga ne predstavlja smetnju za izmjene kantonalnog zakona o plaćama kako je predloženo članom 1. Prijedloga Zakona o izmjeni Zakona o plaćama i naknadama policijskih službenika Zeničko-dobojskog kantona, odnosno kantonalni zakon u tom dijelu ne mora biti usaglašen sa Federalnim. U prilog navedenom je i presuda Ustavnog suda Federacije Bosne i Hercegovine, broj U-36/11 od 17.04.2012. godine donesena odlučujući o zahtjevu Potpredsjednika

Federacije BiH za utvrđivanje ustavnosti Zakona o plaćama i naknadama policijskih službenika Federacije BiH. U navedenoj presudi Ustavni sud Federacije BiH konstatuje da su kantoni obavezni u svoje propise ugraditi principe člana 4. Zakona o plaćama i naknadama policijskih službenika F BiH i te propise uskladiti s članom 3. stav 2. istog zakona.

Kako je u Vladi Kantona intencija poboljšanje ekonomskog standarda zaposlenika zašto ima već osigurana sredstva u Budžetu Kantona, ovim putem bi se osigurala veća prava policijskih službenika u smislu povećanog procenta radnog staža za uvećanje osnovne plaće.

Radi svega navedenog, imajući u vidu činjenicu da se radi o izmjeni koje nisu obimne i složene, predlažemo donošenje Zakona o izmjeni Zakona o plaćama i naknadama policijskih službenika u navedenom tekstu i to po skraćenom postupku.

III – PRAVNA RJEŠENJA

- Član 1. Prijedloga Zakona- izmjena u članu 7. stav (3) Zakona o plaćama i naknadama policijskih službenika Zeničko-dobojskog kantona odnosi se na povećanje osnovne plaće po osnovu radnog staža, na način da se ista uvećava za svaku punu godinu radnog staža za 0,6% umjesto dosadašnjih 0,5% .

Član 2. Prijedloga Zakona-propisuje stupanje zakona na snagu narednog dana od dana objavljivanja u "Službenim novinama Zeničko-dobojskog kantona" i primjene od 01.01.2024. godine.

IV – FINANSIJSKO OBRAZLOŽENJE

Za donošenje Prijedloga Zakona o izmjeni Zakona o plaćama i naknadama policijskih službenika Zeničko-dobojskog kantona finansijska sredstva su sadržana u Budžetu za 2024. godinu. Ukoliko se pojavi potreba za dodatnim finansijskim sredstvima, ista će se obezbijediti preraspodjelom sredstava i uštedama u okviru Budžeta Kantona za 2024. godinu.

OBRAZAC IZJAVA O FISKALNOJ PROCJENI

Obrazac IFP NE

A 1. Obrađivač propisa

	KOD	NAZIV
Razdjel	1502001	MINISTARSTVO UNUTRAŠNJIH POSLOVA ZENIČKO-DOBOJSKOG KANTONA- UPRAVA POLICIJE

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE

Naziv propisa/akta
PRIJEDLOG ZAKONA O IZMJENAMA ZAKONA O PLAĆAMA I NAKNADAMA POLICIJSKIH
SLUŽBENIKA ZENIČKO-DOBOJSKOG KANTONA

C 3. Izjava o nepostojanju dodatnih fiskalnih efekata predloženog propisa

Provođenje Prijedloga Zakona o izmjenama Zakona o plaćama i naknadama policijskih službenika Zeničko-dobojskog kantona neće rezultirati fiskalnim posljedicama na Budžet. Ukoliko se ukaže potreba za dodatnim sredstvima, ista će se obezbijediti preraspodjelom sredstava i uštedama u okviru Budžeta kantona za 2024. godinu

D 4. Pečat i potpis odgovornog lica

Policijski komesar Admir Gazić


Mjesto i
datum

Zenica, 13.02.2024. godine





Broj: 07-02-457-3/24
Zenica, 15.02.2024. godine



MINISTARSTVO UNUTRAŠNJIH POSLOVA

PREDMET: Mišljenje na Prijedlog Zakona o izmjeni Zakona o plaćama i naknadama policijskih službenika Zeničko-dobojskog kantona - *dostavlja se*

dobavlja se
02-08
9

Ministarstvo finansija je razmotrilo Prijedlog Zakona o izmjeni Zakona o plaćama i naknadama policijskih službenika Zeničko-dobojskog kantona, koji je dostavljen na mišljenje uz akt Ministarstva unutrašnjih poslova Zeničko-dobojskog kantona, broj: 08-02-06/1-02-1-457-3/24 od 14.02.2024. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“, a članom 42. stav 1. istog Zakona, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

Članom 21. stav 2. Zakona o organizaciji organa uprave u Federaciji BiH („Službene novine Federacije BiH“, broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

Članom 30. stav (1) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je da obrazloženje propisa, između ostalog sadrži „visinu i izvor finansijskih sredstava potrebnih za provođenje propisa“, a članom 63. stav (1) Jedinstvenih pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08), propisano je da: „Obrazloženje finansijskih sredstava sadrži procjenu potrebnih sredstava, izvora i metoda osiguranja tih sredstava za provođenje propisa.“

U Obrazloženja Prijedloga Zakona o izmjeni Zakona o plaćama i naknadama policijskih službenika Zeničko-dobojskog kantona je između ostalog navedeno: „Za donošenje Prijedloga Zakona o izmjeni Zakona o plaćama i naknadama policijskih službenika Zeničko-dobojskog kantona, finansijska sredstva su sadržana u Budžetu za 2024. godinu. Ukoliko pojavi potreba za dodatnim finansijskim sredstvima, ista će se obezbijediti preraspodjelama sredstava i uštedama u okviru Budžeta Kantona za 2024. godinu“.

Također, u Izjavi o fiskalnoj procjeni – obrazac IFP-NE od 13.02.2024. godine, navedeno je:

„Provođenje Prijedloga Zakona o izmjenama Zakona o plaćama i naknadama policijskih službenika Zeničko-dobojskog kantona neće rezultirati fiskalnim posljedicama na Budžet. Ukoliko se ukaže potreba za dodatnim finansijskim sredstvima, ista će se obezbijediti preraspodjelama sredstava i uštedama u okvirima Budžeta kantona za 2024. godinu.“

Odredbama člana 54. stav 1. Zakona o budžetima u Federaciji BiH, propisano je: „isplata bruto plaća i naknada, te naknada korisnicima prava po osnovu drugih zakona, na osnovu utvrđene osnovice može se vršiti samo do visine planiranih sredstava u budžetu za te namjene.“

Dakle, obim preuzimanja obaveza od strane Budžeta Zeničko-dobojskog kantona, po osnovu Prijedloga Zakona, moći će se vršiti samo do iznosa planiranog za navedene namjene u Budžetu Zeničko-dobojskog kantona za 2024. godinu i u Budžetima Kantona za naredne budžetske godine.

Odredbama tačke 8. Uputstva o izvršavanju budžeta sa jedinstvenog računa trezora („Službene novine Federacije BiH“, broj: 34/16) i člana 58. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), propisano je: „Odgovornost za planiranje i stvaranje obaveza u okviru propisanog budžeta je isključivo na rukovodiocu budžetskog korisnika.“

Odredbama člana 25. stav (2) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je:

„Predlagač materijala je odgovoran da prijedlog materijala koji se dostavlja radi razmatranja na sjednicama Vlade bude u skladu sa Ustavom, važećim zakonima i provedbenim propisima.“

S tim u vezi, Ministarstvo finansija ne snosi odgovornost za pravna rješenja predložena od strane obrađivača u dostavljenom Prijedlogu Zakona.

U slučaju eventualne potrebe za dodatnim sredstvima za provedbu navedenog Prijedloga Zakona, nedostajuća finansijska sredstva kroz uštede i unutrašnje preraspodjele sredstava, obavezno je obezbijediti Ministarstvo unutrašnjih poslova Zeničko-dobojskog kantona.

Imajući u vidu gore navedeno Obrazloženje Prijedloga Zakona i dostavljenu Izjavu o fiskalnoj procjeni, u kojima je navedeno da su za donošenje Prijedloga Zakona finansijska sredstva sadržana u Budžetu za 2024. godinu, odnosno da isti neće rezultirati fiskalnim posljedicama na Budžet, Ministarstvo finansija nema drugih primjedbi i sugestija iz svoje nadležnosti.

S poštovanjem!

Dostavljeno:

1x Naslovu,

1x a/a.



MINISTRICA

Dženana Čišija
Dženana Čišija





Ministarstvo unutrašnjih poslova
n/r ministra
ovdje

Zenica, 14.02.2024. godine
Broj: 06-04/2-02-2913-1/24

PREDMET: Prijedlog Zakona o izmjeni Zakona o plaćama i naknadama policijskih službenika Zeničko- dobojskog kantona- mišljenje, dostavlja se

Veza vaš broj: 08-02-06/1-02-1-457-3/24 od 14.02.2024.god

U skladu s članom 11. Zakona o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15 i 8/22), i članom 31. stav (1) tačka b) Poslovnika o radu Vlade Zeničko- dobojskog kantona („Službene novine Zeničko-dobojskog kantona“, broj: 10/21), te na osnovu uvida u tekst Prijedloga Zakona o izmjeni Zakona o plaćama i naknadama policijskih službenika Zeničko- dobojskog kantona (u daljem tekstu: Prijedlog Zakona) dostavljenom aktom veze, u postupku pravne analize Prijedloga Zakona, provedene s ciljem utvrđivanja usklađenosti istog sa:

- Europskom konvencijom o zaštiti ljudskih prava i sloboda i drugim pravima,
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15), daje se

MIŠLJENJE

U postupku davanja mišljenja na dostavljeni akt, broj i datum veze, Ministarstvo za pravosuđe i upravu Zeničko-dobojskog kantona (u daljem tekstu: Ministarstvo), s aspekta svoje nadležnosti, nema primjedbi na dostavljeni Prijedlog Zakona.

Napominjemo da za pojedina pravna rješenja u dostavljenim aktima ovo Ministarstvo ne snosi odgovornost.

Poštovanje,

Dostaviti:
1 x Naslovu
1 x a/a



MINISTAR
Nebojša Nikolić



Bosna i Hercegovina, Zenica, Kučukovići br. 2
telefon: 032/ 460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba

02
haci beyzid
02-06
y

15. 02. 2024
08-02-06/1-02-1-457-3/24



SEKRETARIJAT ZA
ZAKONODAVSTVO

SECRETARIAT FOR LEGISLATION

Broj: 03-02-~~2891~~ /24
Zenica, 14.02.2024. godine

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
Ministarstvo unutrašnjih poslova
Ministarstvo unutrašnjih poslova
14. 02. 2024

MINISTARSTVO UNUTRAŠNJIH POSLOVA
ZENIČKO-DOBOJSKOG KANTONA

ORGANIZACIONA JEDINICA	KLASIFIKACIONA OZNAKA	REDNI BROJ	BROJ PRILOGA
		08-21-06/11-02-1-457-3/25	02-09

PREDMET: Mišljenje o Prijedlogu Zakona o izmjeni Zakona o plaćama i naknadama policijskih službenika Zeničko-dobojskog kantona - dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine FBiH“, broj: 8/96 i „Službene novine Zeničko-dobojskog kantona“, broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), te na osnovu uvida u tekst Prijedloga Zakona o izmjeni Zakona o plaćama i naknadama policijskih službenika Zeničko-dobojskog kantona, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam sljedeće

MIŠLJENJE

Ustavni osnov za donošenje Prijedloga Zakona o izmjeni Zakona o plaćama i naknadama policijskih službenika Zeničko-dobojskog kantona (u daljem tekstu: Prijedlog Zakona) je pravilno utvrđen.

Član 31. stav (1) Zakona o plaćama i naknadama policijskih službenika Federacije Bosne i Hercegovine („Službene novine Federacije BiH“, broj: 45/10) propisuje da će se **visina i način ostvarivanja plaća, naknada, dodataka na plaću, koeficijenti i platni razredi policijskih službenika u kantonalnim ministarstvima unutrašnjih poslova** (u daljnjem tekstu: kantonalna ministarstva), **utvrdit kantonalnim propisom koji će sadržavati načela iz člana 4. ovog zakona** i biti usklađen sa članom 3. stav 2. i čl. 6., 7. i 9. ovog zakona.

Član 4. ovog Zakona propisuje da će se pri određivanju iznosa plaće i naknada za policijske službenike **poštivat načelo ista plaća za isti čin policijskog službenika i načelo transparentnosti**.

Ustavni sud Bosne i Hercegovine u svojoj Odluci o dopustivosti broj: AP-2728/21 od 03.11.2021. godine je naveo: „Ustavni sud smatra da je Kantonalni sud u obrazloženju odluke osporene predmetnom apelacijom dao detaljne, jasne i precizne razloge za svoje odlučenje, u čemu Ustavni sud ne nalazi proizvoljnost. Naime, Ustavni sud zapaža da je Kantonalni sud na jasan i nedvosmislen način ukazao na razloge zbog kojih u konkretnom slučaju nema mjesta primjeni odredbi Zakona o platama i naknadama policijskih službenika Federacije BiH u čemu Ustavni sud, nasuprot neosnovanim navodima apelanata, ne vidi nikakvu proizvoljnost.“ U ovoj Odluci Ustavni sud navodi „Kantonalni sud je naveo da je pravilno prvostepeni sud zaključio da u konkretnom slučaju nema mjesta direktnoj primjeni odredbi čl. 6. do 11. Zakona o platama i naknadama policijskih službenika Federacije BiH (kojim su uređene plate, platni razredi i koeficijenti za platne razrede policijskim službenicima Federacije BiH, naknade, kao i druga primanja policijskih službenika). Dalje, da time nema mjesta ni primjeni koeficijenata, kako su pobliže naznačeni tužbenim zahtjevom, budući da je odredbama člana 31. stav (1) tog zakona propisano, između ostalog, *da će se visina i*

način ostvarivanja plata, naknada, dodataka na platu, koeficijenti i platni razredi policijskih službenika u kantonalnim ministarstvima unutrašnjih poslova utvrditi kantonalnim propisima. Kantonalni sud je ukazao da je navedeno iz razloga jer je tim zakonom za kantonalne vlasti *propisan isključivo načelni okvir* za uređenje pitanja plata policijskih službenika kantona (shodno odredbama člana 31. navedenog zakona). Kantonalni sud je naveo da takav zaključak proizlazi i iz stava Ustavnog suda Federacije BiH iznesenog u Presudi tog suda broj U-36/11 od 17. aprila 2012. godine.

Ustavni sud Federacije je u svojoj presudi broj: U-36/11 od 17.04.2012. godine utvrdio da se članovima 31. do 35. **razrađuje način primjene ovog Zakona u kantonima**, pri čemu je federalna vlast, u skladu sa članom III.3(3) Ustava Federacije Bosne i Hercegovine vodila računa o kantonalnim nadležnostima, eventualnim različitim situacijama u kantonima i potrebom za fleksibilnosti u provođenju utvrđene politike u ovoj oblasti. Zbog toga je ovim Zakonom za kantone propisan **isključivo principijelni okvir za uređivanje ovog pitanja u svakom kantonu, pojedinačno**. To **ilustruje** sadržaj člana 31. ovog Zakona... Dakle, **kantoni su obavezni u svoje propise ugraditi principe člana 4. ovog Zakona i te propise uskladiti sa članom 3. stav 2. istog zakona...** a koji se odnosi na utvrđivanje jedinstvenog isplatnog koeficijenta.

Kada Ustavni sud Federacije BiH kazuje da kantonalni propis teba da bude usklađen sa članom 3. stav 2. ovog Zakona, a zakonodavac propisuje i sa članovima 6., 7. i 9. ovog Zakona mišljenja smo da se usklađivanje odnosi u pogledu principa i elemenata za obračun plaće (osnovica i koeficijent), a da samu visinu i način ostvarivanja plaća i naknada uređuje Kanton svojim propisom, naravno, u skladu sa raspoloživim finansijskim sredstvima.

Ovakvo mišljenje Sekretarijat zasniva i na stavu Ustavnog suda Federacije BiH kada u svojoj Presudi navodi: „Očigledno je da iz svega navedenog proizilazi nedvosmislen zaključak da je federalna vlast imala ustavni osnov za donošenje osporenog Zakona, na način da je u odnosu na kantone propisala samo principijelni okvir u skladu sa procjenom zakonodavca da postoji potreba da se ova oblast uredi na ujednačen način za sve policijske službenike Federacije Bosne i Hercegovine i kantona.“

Imajući u vidu naprijed navedene odredbe Zakona i stavove Ustavnog suda BiH i Ustavnog suda Federacije BiH, mišljenja smo da je prijedlog Zakona usklađen s pravnim sistemom iz ove oblasti.

U nomotehničkom smislu Prijedlog Zakona je urađen u skladu sa Jedinostvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj 5/08).

O prijedlogu da se Zakon donese po skraćenom postupku, odlučivat će se na sjednici Skupštine Kantona, kao o prethodnom pitanju, u okviru rasprave o dnevnom redu, shodno članu 140. stav 3. Poslovnika Skupštine Zeničko-dobojskog kantona – Treći prečišćeni tekst („Službene novine Zeničko-dobojskog kantona broj 14/18, 18/18-isp., 7/19 i 7/20).

Shodno navedenom, stekli su se uvjeti za davanje mišljenja na osnovu člana 31. stav (1) tačka a) Poslovnika o radu Vlade Zeničko-dobojskog kantona (“Službene novine Zeničko-dobojskog kantona” broj: 10/21) te se Prijedlog Zakona može uputiti u dalju proceduru.

Dostavljeno:

1x Naslovu,
1x a/a.




Bosna i Hercegovina, Zeničko-dobojski kanton
Tel: 032/460-675; e-mail zakonodavstvo@zdk.ba

**SINDIKAT POLICIJE
MUP ZDK**

Broj:S-02-12/24

Datum:14.02.2024.godine

**BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
MINISTARSTVO UNUTRAŠNJI POSLOVA
ZENICA
UPRAVA POLICIJE**



PREDMET: Mišljenje ,dostavlja se;

VEZA: Vaš akt broj:08-02-06/1-02-1-457/24 od 13.02.2024.god)

Uvidom u Prijedlog Zakona o izmjeni Zakona o plaćama i naknadama policijskih službenika Zeničko-dobojskog kantona,Sindikata Policije Ministarstva Unutrašnji Poslova Zeničko-Dobojskog kantona daje sljedeće;

M I Š L J E N J E

Nakon razmatranja teksta Prijedlog Zakona o izmjeni Zakona o plaćama i naknadama policijskih službenika Zeničko-Dobojskog kantona, Sindikat Policije Ministarstva Unutrašnjih Poslova Zeničko-Dobojskog kantona daje **pozitivno mišljenje** na isti, sa napomenom da prilikom reorganizacije ne dođe do umanjivanja već ostvarenih prava uposlenika.

S poštovanjem;

Dostavljeno:
1x Naslovu
1xa/a

Predsjednik sindikata policije

za
Vlatko Popov

448.

Na osnovu člana 37. stav 1. tačka f) i g) Ustava Zeničko-dobojskog kantona, Skupština Zeničko-dobojskog kantona, na 50. sjednici, održanoj dana 29.11.2017. godine, donosi:

Z A K O N
O DOPUNI ZAKONA O IZVRŠAVANJU BUDŽETA
ZENIČKO-DOBOJSKOG KANTONA ZA 2017.
GODINU

Član 1.
(Dopuna člana 36. Zakona)

U članu 36. Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16 i 8/17), iza riječi:

“Kapitalni transferi u inostranstvu”, dodaju se riječi:

“Kapitalni transferi drugim nivoima vlasti”.

Član 2.
(Stupanje na snagu)

Zakon stupa na snagu narednog dana od dana objavljivanja u “Službenim novinama Zeničko-dobojskog kantona”.

Broj: 01-02-16346/17
Datum, 29.11.2017. godine
Z e n i c a

PREDSJEDAVALA
Jasmin Duvnjak, s.r.

449.

Na osnovu člana 37. stav 1. tačka f) Ustava Zeničko – dobojskog kantona, Skupština Zeničko – dobojskog kantona na 50. sjednici održanoj 29.11.2017. godine, d o n o s i:

Z A K O N
O PLAĆAMA I NAKNADAMA
POLICIJSKIH SLUŽBENIKA
ZENIČKO-DOBOJSKOG KANTONA

DIO PRVI - OSNOVNE ODREDBE

Član 1.
(Predmet Zakona)

Ovim zakonom uređuju se plaće, platni razredi i koeficijenti za platne razrede, naknade kao i druga pitanja koja se odnose na primanja policijskih službenika Ministarstva unutrašnjih poslova Zeničko-dobojskog kantona (u daljem tekstu: Ministarstvo).

Član 2.
(Definicije pojmova korištenih u Zakonu)

Pojmovi korišteni u ovom zakonu imaju sljedeće značenje:

- a) „policijski službenik“, je policijski službenik zaposlen u Upravi policije Ministarstva;
- b) „radno mjesto“ je pozicija na koju se raspoređuje policijski službenik utvrđena Pravilnikom o unutrašnjoj organizaciji Ministarstva unutrašnjih poslova Zeničko-dobojskog kantona (u daljem tekstu: Pravilnik o unutrašnjoj organizaciji);
- c) „osnovica za obračun plaće“ predstavlja novčani iznos u konvertibilnim markama (u daljem tekstu: KM) koji se koristi za određivanje osnovne plaće;
- d) „platni razred“ predstavlja razvrstavanje radnih mjesta prema činu, utvrđenih u Pravilniku o unutrašnjoj organizaciji, radi određivanja iznosa osnovne plaće policijskog službenika;
- e) „koeficijent“ predstavlja brojčanu vrijednost koja se iskazuje arapskim brojevima za svaku poziciju radnog mjesta koje je razvrstano u platne razrede Ministarstva za utvrđivanje visine osnovne plaće;

- f) "puno radno vrijeme policijskog službenika" je 40 sati sedmično;
- g) „noćni rad“ je rad između 22 sata uvečer i 07 sati ujutro;
- h) „prekovremeni rad“ je rad duži od punog radnog vremena, utvrđen Zakonom o policijskim službenicima Zeničko-dobojskog kantona-Prečišćeni tekst („Službene novine Zeničko-dobojskog kantona" broj: 4/14, u daljem tekstu: Zakon o policijskim službenicima).

Član 3. (Finansijska sredstva)

Finansijska sredstva za plaće, naknade i druga primanja policijskih službenika predviđena ovim zakonom planiraju se i osiguravaju se u Budžetu Zeničko-dobojskog kantona (u daljem tekstu: Budžet Kantona).

Član 4. (Načela)

Pri određivanju iznosa plaće i naknada za policijske službenike poštivat će se sljedeća načela:

- a) isti koeficijent za isti čin policijskog službenika;
- b) transparentnost: prilikom objavljivanja javnog konkursa ili oglasa za popunu slobodnih radnih mjesta policijskog službenika obavezno se objavljuje podatak o pripadajućoj osnovnoj neto plaći za oglašena radna mjesta.
- c) fiskalna odgovornost: u skladu sa ovim načelom utvrđivanje i isplata bruto plaće i naknade korisniku prava koje tretira ovaj Zakon na osnovu utvrđene osnovice može se vršiti samo do visine planiranih sredstava u budžetu za te namjene.

DIO DRUGI - PLAĆE I DODACI

Član 5. (Bruto i neto plaće)

- (1) Plaća policijskog službenika utvrđuje se u bruto i neto iznosu.
- (2) Plaća u bruto iznosu obuhvata neto plaću, poreze i doprinose.

Član 6. (Osnovna plaća)

- (1) Osnovnu plaću policijskog službenika određuje osnovica iz člana 8. ovog zakona pomnožena sa

koeficijentom platnog razreda iz člana 9. ovog zakona i iznos povećanja ostvaren po osnovu radnog staža iz člana 7. stav (3) ovog zakona.

- (2) Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.
- (3) Osnovna plaća policijskog službenika ne može biti manja od 70% od prosječne neto plaće isplaćene u Federaciji Bosne i Hercegovine (u daljem tekstu: Federacija) prema posljednjem objavljenom statističkom podatku.
- (4) U slučaju da množenjem utvrđene osnovice i pripadajućeg koeficijenta osnovna plaća iznosi manje od 70% od prosječne plaće iz stava (3) ovog člana, policijskom službeniku će se isplatiti plaća u iznosu iz stava (3) ovog člana.
- (5) Ukoliko policijski službenik radi sa nepunim radnim vremenom, u skladu sa posebnim zakonom ili drugim propisom, plaća će se odrediti srazmjerno vremenu provedenom na radu.

Član 7. (Plaća i dodatak na plaću)

- (1) Plaća policijskog službenika veže se uz njegov čin.
- (2) Sastavni dio plaće policijskog službenika čini osnovna plaća iz člana 6. stav (1) ovog zakona, dodatak na plaću iz člana 10. ovog zakona i naknada za prekovremeni rad, rad u neradne dane, noćni rad i rad u dane državnih praznika iz člana 17. ovog zakona.
- (3) Plaća iz stava (2) ovog člana povećava se za 0,5% za svaku punu godinu radnog staža, s tim da ukupno povećanje po ovom osnovu ne može biti veće od 20%.

Član 8. (Način utvrđivanja osnovice za obračun plaće)

- (1) Visina osnovice za obračun plaće utvrđuje se na osnovu najniže neto satnice dogovorene između Vlade Kantona i sindikata na način da se najniža neto satnica množi sa fondom radnih sati u mjesecu.
- (2) Osnovica iz stava (1) ovog člana za obračun plaće utvrđuje se prije donošenja Budžeta Kantona za narednu fiskalnu godinu, a primjenjuje se od 01. januara za svaku narednu godinu koja se usklađuje sa Zakonom o budžetu, odnosno sa raspoloživim sredstvima za potrebe iz člana 3. ovog zakona.

- (3) Ukoliko Vlada Kantona i sindikat ne dogovore osnovicu iz stava (1) ovog člana, ranije dogovorena osnovica ostaje na snazi do dogovora Vlade Kantona i sindikata, a najduže 90 dana.

Član 9.
(Platni razredi, činovi i koeficijenti za policijske službenike)

Koeficijent za obračun plaće policijskog službenika utvrđuje se prema platnom razredu koji je vezan za čin i to:

PLATNI RAZRED	ČINOVI	KOEFICIJENTI
I	generalni inspektor policije	6,95
II	glavni inspektor	5,90
III	samostalni inspektor	4,90
IV	viši inspektor	4,30
V	inspektor	4,00
VI	mlađi inspektor	3,60
VII	stariji narednik	3,30
VIII	narednik	3,10
IX	stariji policajac	2,90
X	policajac	2,70

Član 10.
(Poseban dodatak na plaću)

- (1) Policijski službenik ima pravo na poseban dodatak na plaću u iznosu do 30% od osnovne plaće policijskog službenika, bez dijela plaće po osnovu radnog staža iz člana 7. stav (3) ovog zakona.
- (2) Policijski službenik raspoređen na poslove i zadatke u Specijalnoj policijskoj jedinici ima pravo na poseban dodatak na plaću u iznosu do 40% osnovne plaće policijskog službenika, bez dijela plaće po osnovu radnog staža iz člana 7. stav (3) ovog zakona.
- (3) Dodatak iz stava (1) i (2) ovog člana utvrđuje zavisno od rizika, odgovornosti, složenosti ili posebnih radnih uslova na određenim radnim mjestima ministar Ministarstva (u daljem tekstu: ministar), na prijedlog policijskog komesara Ministarstva (u daljem tekstu: policijski komesar).
- (4) Uz dodatak iz stava (1) ovog člana u posebnim okolnostima ministar može na prijedlog policijskog komesara utvrditi veći trajni dodatak za pojedina radna mjesta u iznosu 10% od osnovne plaće policijskog službenika.

Član 11.
(Dodatak za izvanredne radne rezultate)

- (1) Na osnovu izuzetnih i objektivno ocijenjenih radnih rezultata policijskog službenika, ministar na prijedlog policijskog komesara može odlučiti o jednokratnom dodatku na plaću tom službeniku u iznosu do 30% od osnovne plaće.
- (2) Dodatak iz stava (1) ovog člana može se isplatiti policijskom službeniku dva puta u toku jedne kalendarske godine.
- (3) Odluka o isplati dodatka iz stava (1) ovog člana objavljuje se na oglasnoj ploči Ministarstva.

DIO TREĆI - OBRAČUN I ISPLATA PLAĆE

Član 12.
(Način obračuna i isplate plaće)

- (1) Plaća policijskog službenika se obračunava za jedan mjesec unatrag, a isplaćuje za prethodni mjesec u skladu sa Zakonom o radu i Zakonom o izvršavanju budžeta Kantona.

(2) Plaća iz stava (1) ovog člana utvrđuje se rješenjem koje donosi ministar.

(3) Rješenje iz stava (2) ovog člana sadrži lične podatke policijskog službenika, čin, platni razred i sve elemente koji su uzeti u obzir za utvrđivanje visine plaće.

(4) Podaci o plaćama policijskih službenika su javni.

DIO ČETVRTI – NAKNADE

Član 13.

(Druge vrste naknada)

Policijski službenik ima pravo na naknade utvrđene u odredbama člana 14. do 29. ovog zakona.

Član 14.

(Naknada zbog privremene spriječenosti za rad)

(1) Policijski službenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće iz prethodnog mjeseca.

(2) Naknada plaće za bolovanje preko 42 dana iz stava (1) ovog člana ostvaruje se po propisu Kantona kojim se uređuje naknada za ovo bolovanje, s tim da razliku do pune plaće isplaćuje Ministarstvo u kojem se policijski službenik nalazi u radnom odnosu.

Član 15.

(Naknada za porodiljski dopust)

Policijski službenik za vrijeme porodiljskog dopusta ima pravo na naknadu plaće prema propisima Kantona kojim se uređuje ova oblast, prema mjestu uplate doprinosa s tim da razliku do visine pune plaće uplaćuje Ministarstvo u kojem se policijski službenik nalazi u radnom odnosu.

Član 16.

(Naknada za slučaj teške bolesti i invalidnosti)

(1) U slučaju nastanka teške bolesti i invalidnosti policijskog službenika ili člana njegove uže porodice, isplaćuje se jednokratna novčana pomoć u visini od dvije prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku.

Član 17.

(Naknada za prekovremeni rad, rad u neradne dane, noćni rad i rad u dane državnih praznika)

(1) U slučaju prekovremenog rada, noćnog rada, rada u dane sedmičnog odmora, i rada u dane državnih praznika, policijski službenik ima pravo na naknadu osnovne plaće srazmjerno vremenu trajanja tog rada, uvećanu za:

(a) prekovremeni rad:

- 40% ukoliko je prekovremeni rad bio u periodu između 22,00 i 07,00 sati;
- 30% ukoliko je prekovremeni rad bio u periodu između 07,00 i 22,00 sati;

(b) noćni rad 30%;

(c) rad u dane sedmičnog odmora 20%;

(d) rad u dane državnih praznika 50%.

(2) Obračun naknade iz stava (1) ovog člana vrši se od osnovne plaće bez dijela plaće po osnovu radnog staža.

(3) Policijski službenik čiji je raspored rada organizovan u turnusima-smjenama, nema pravo na naknadu za redovan rad u dane vikenda (subota i nedjelja) izuzev naknade za rad u dane državnih praznika i za noćni rad.

(4) U prekovremeni rad ne ulazi noćni rad.

Član 18.

(Naknada za privremeni interni premještaj)

(1) Policijski službenik koji je premješten na drugo radno mjesto koje je 70 km ili više udaljeno od njegovog trenutnog radnog mjesta ima pravo da uz osnovnu plaću koja je određena u skladu sa članom 6. stav (1) ovog zakona i pravo na naknadu za privremeni interni premještaj, koja se sastoji od:

- naknade troškova za odvojeni život i
- naknade za odgovarajući smještaj.

(2) Pravo na naknadu iz stava (1) ovog člana ne ostvaruje policijski službenik koji je premješten po ličnom zahtjevu, kao i policijski službenik koji je prvi put raspoređen na radno mjesto.

Član 19.**(Otpremnina u slučaju otpusta zbog viška policijskih službenika)**

- (1) U slučaju otpusta zbog viška policijskih službenika u skladu sa zakonom, otpušteni policijski službenik koji ima do 15 godina penzijskog staža ima pravo na otpremninu koja odgovara iznosu plaće koju je primio u vrijeme kada je proglašen viškom, obračunate za period od pet mjeseci.
- (2) Otpremnina iz stava (1) ovog člana iznosi 10 mjesečnih plaća za policijske službenike koji imaju preko 15 godina penzijskog staža kao policijski službenici.

Član 20.**(Naknada za troškove sahrane i za slučaj smrti)**

- (1) Policijski službenik koji u toku vršenja dužnosti izgubi život, sahranjuje se na mjestu koje odrede članovi njegove uže porodice na trošak Ministarstva, koji se sastoji od sljedećeg:
 - (a) prijevoz posmrtnih ostataka na mjesto ukopa;
 - (b) putne troškove za dva prateća lica;
 - (c) trošak za grobnicu, ukoliko nije već osigurana na drugi način;
 - (d) druge uobičajne troškove u iznosu koji određuje Ministarstvo.
- (2) Porodica koju je preminuli policijski službenik iz stava (1) ovog člana izdržavao, ima pravo na jednokratnu finansijsku pomoć u iznosu posljednje neto plaće koju je policijski službenik ostvario uvećane šest puta.
- (3) U slučaju smrti policijskog službenika van vršenja službene dužnosti, porodici policijskog službenika koju je izdržavao, isplaćuju se troškovi sahrane u visini od četiri prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku.
- (4) Naknada iz stava (3) ovog člana isplaćuje se i u slučaju smrti člana uže porodice policijskog službenika.
- (5) Ukoliko u Ministarstvu rade dva ili više članova porodice, troškovi sahrane iz stava (3) ovog člana isplaćuju se samo jednom zaposlenom članu porodice.
- (6) U slučaju smrti roditelja, policijskom službeniku pripada naknada iz stava (3) ovog člana bez obzira da li su živjeli u zajedničkom domaćinstvu.

Član 21.**(Članovi uže porodice)**

Članom uže porodice policijskog službenika, u smislu ovog zakona smatraju se:

- (a) bračni i vanbračni drug ako žive u zajedničkom domaćinstvu sa policijskim službenikom,
- (b) dijete (bračno, vanbračno, usvojeno, pastorče i dijete bez roditelja uzeto na izdržavanje do 18. godine, odnosno do 26. godine života ako se nalazi na redovnom školovanju i nije u radnom odnosu, a djeca nesposobna za rad bez obzira na starosnu dob),
- (c) roditelji (otac, majka, očuh, maćeha i usvojitelji) ako žive u zajedničkom domaćinstvu sa policijskim službenikom,
- (d) braća i sestre bez roditelja do 18., odnosno do 26. godine života ako se nalaze na redovnom školovanju i nemaju drugih prihoda, već ih policijski službenik stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na dob, pod uvjetom da sa njima živi u zajedničkom domaćinstvu, i
- (e) unučad ako nemaju roditelja i žive u zajedničkom domaćinstvu sa policijskim službenikom.

Član 22.**(Pravo na osiguranje od posljedica nesretnog slučaja)**

- (1) Policijski službenik ima pravo na osiguranje od posljedica nesretnog slučaja s uključenim rizikom od prirodne smrti za vrijeme trajanja radnog odnosa.
- (2) Visina osiguranja po ovoj osnovi određuje se prema polisi osiguranja od posljedica nesretnog slučaja, odnosno polisi osiguranja od prirodne smrti.
- (3) Ugovor o osiguranju sa odgovarajućom osiguravajućom kućom zaključuje premijer Kantona za sve policijske službenike u Kantonu u skladu sa Kolektivnim ugovorom.

Član 23.**(Naknada za prevoz na posao i sa posla)**

- (1) Policijskom službeniku kojem nije organizovan službeni prijevoz na posao i sa posla, pripada naknada za troškove prijevoza na posao i sa posla u visini, na način i pod uslovima koji Vlada Kantona utvrdi uredbom iz člana 30. ovog zakona.

- (2) Naknada iz stava (1) ovog člana neće se obračunavati za vrijeme odsutnosti sa posla po osnovu službenog puta, bolovanja ili godišnjeg odmora.

Član 24.
(Naknada za ishranu tokom rada)

- (1) Policijski službenik ima pravo na naknadu za ishranu u toku rada (topli obrok) samo za dane prisustva na poslu.
- (2) Policijski službenici ostvaruju pravo iz stava (1) ovog člana u obliku naknade za ishranu za vrijeme rada (topli obrok) a visina i način ostvarivanja naknade utvrdit će se posebnim aktom Vlade Kantona.
- (3) Pravo na naknadu iz stava (1) i (2) ovog člana ne ostvaruje se u slučaju odsustvovanja sa posla po bilo kom opravdanom ili neopravdanom osnovu (službeni put, plaćeno odsustvo, odsustvo zbog bolesti i sl.).

Član 25.
(Regres)

- (1) Policijski službenik ima pravo na naknadu na ime regresa za korištenje godišnjeg odmora u visini od 50% prosječne neto plaće isplaćene u Federaciji prema posljednjem objavljenom statističkom podatku.
- (2) Pravo na regres iz stava (1) ovog člana ima svaki policijski službenik koji u toku tekuće kalendarske godine ima pravo na godišnji odmor.

Član 26.
(Otpremnina)

Policijski službenik ima pravo na otpremninu prilikom odlaska u penziju u visini svojih pet ostvarenih prosječnih neto plaća isplaćenih u prethodnih pet mjeseci.

Član 27.
(Naknada za službeni put)

- (1) Policijski službenik ima pravo na naknadu za troškove službenog putovanja na području Federacije, odnosno Bosne i Hercegovine kao i za putovanje u inostranstvo, na koje se upućuje zbog izvršavanja službenog zadatka.
- (2) Visinu i način ostvarivanja naknade iz stava (1) ovog člana utvrđuje Vlada Kantona u skladu sa Kolektivnim ugovorom.

Član 28.
(Naknada za odvojeni život od porodice i smještaj u mjestu rada)

Policijski službenik čije je mjesto prebivališta udaljeno više od 70 km od mjesta rada ima pravo na naknadu troškova smještaja u mjestu rada u iznosu i na način koji Vlada Kantona utvrdi za državne službenike i namještenike.

Član 29.
(Druge naknade)

Policijski službenik ima pravo i na druge naknade utvrđene Kolektivnim ugovorom.

DIO PETI - DONOŠENJE PODZAKONSKOG PROPISA I RJEŠENJA

Član 30.
(Propis o uvjetima i postupku ostvarivanja naknada)

Vlada Kantona će na prijedlog Ministarstva donijeti uredbu o uslovima, kriterijima i načinu ostvarivanja naknada i drugih materijalnih prava utvrđenih ovim zakonom u roku od 60 dana od dana stupanja na snagu ovog zakona.

Član 31.
(Donošenje rješenja)

- (1) Naknade i druga materijalna prava predviđena u odredbama članova: 15., 16., 17. stav (1) tačka a), 18., 19., 20., 23., 26. i 28. ovog zakona ostvaruju se donošenjem rješenja.
- (2) Rješenja iz stava (1) ovog člana donosi ministar.

DIO ŠESTI - NADZOR NAD PRIMJENOM OVOG ZAKONA

Član 32.
(Nadzor nad primjenom ovog zakona)

Nadzor nad primjenom ovog zakona vrši Ministarstvo unutrašnjih poslova Zeničko-dobojskog kantona i Ministarstvo finansija Zeničko-dobojskog kantona, svako u okviru svojih nadležnosti.

DIO SEDMI - KAZNENE ODREDBE

Član 33.

(Kazne za prekršaje)

Novčanom kaznom u iznosu od 500,00 KM do 2.000,00 KM bit će kažnjen za prekršaj ministar ako:

- a) ne odredi plaću policijskom službeniku u skladu sa njegovim činom (član 7. stav (1));
- b) ne odredi dodatak na plaću u skladu sa članom 10. ovog zakona;
- c) ne donese rješenje o plaći (član 12. stav (2));
- d) odredi naknade suprotno članu 14. do 29. ovog zakona;
- e) ako ne donese pravilnik o plaćama i naknadama (član 30.).

DIO OSMI - PRELAZNE I ZAVRŠNE ODREDBE

Član 34.

(Usklađivanje Kolektivnog ugovora)

Vlada Kantona i Sindikat dužni su uskladiti odredbe granskog Kolektivnog ugovora sa ovim zakonom u roku od 3 mjeseca od dana stupanja na snagu ovog zakona.

Član 35.

(Prelazna odredba o plaćama)

- (1) Policijskom službeniku kojem stupanjem na snagu ovog zakona bude u istom činu obračunata niža plaća od one na koju je imao pravo na dan prije stupanja na snagu ovog zakona, dodjeljuje se dodatak jednak razlici ranije plaće i plaće obračunate u skladu sa ovim zakonom.
- (2) Policijskom službeniku sa dodijeljenim činom generalni inspektor policije nakon stupanja na snagu ovog zakona, dodijelit će se dodatak jednak razlici plaće utvrđene za čin generalni inspektor policije prema propisu koji je važio do dana stupanja na snagu ovog zakona i plaće obračunate po ovom zakonu.
- (3) Pravo na dodatak iz stava (1) i (2) ovog člana pripada policijskom službeniku sve dok razlika u plaći ne bude pokrivena budućim povećanjima njegove osnovne plaće.

Član 36.

(Prestanak primjene odredbi drugih propisa)

- (1) Danom stupanja na snagu ovog zakona prestaju da važe:
 - a) Odredbe Zakona o policijskim službenicima koje se odnose na plaće, dodatke na plaću, naknade i ostala materijalna primanja ako su drugačije uređena ovim zakonom;
 - b) Odredbe Uredbe o plaćama, naknadama i drugim materijalnim pravima policijskih službenika Zeničko-dobojskog kantona ("Službene novine Zeničko-dobojskog kantona", broj: 3/08, 10/09, 13/09, 2/10 i 7/10, 3/12, 12/12, 14/12, 5/14, 6/14, 1/15, 3/15 i 5/15), koje se odnose na plaće, naknade i ostala materijalna primanja ako su drugačije uređena ovim zakonom.
- (2) Svi predmeti koji su u postupku rješavanja, rješavaće se u skladu sa propisima koji su važili do donošenja ovog zakona, ako je povoljnije za policijskog službenika.

Član 37.

(Ravnopravnost polova)

Odredbe ovog zakona odnose se podjednako na osobe ženskog i muškog pola, bez obzira na rod imenice upotrijebljene u tekstu zakona.

Član 38.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2018. godine.

Broj: 01-02-16347/17
Datum, 29.11.2017. godine
Z e n i c a

PREDSJEDAVAJUĆI
Jasmin Duvnjak, s.r.



Godina XXVII - Broj 4

ZENICA, petak, 04.02.2022.god.

SKUPŠTINA

90.

Na osnovu člana 37. stav 1. tačka f) Ustava Zeničko-dobojskog kantona Skupština Zeničko-dobojskog kantona, na 42. sjednici održanoj dana 03.02.2022. godine, donosi:

**ZAKON
O IZMJENAMA ZAKONA O PLAĆAMA I
NAKNADAMA POLICIJSKIH SLUŽBENIKA
ZENIČKO-DOBOJSKOG KANTONA**

**Član 1.
(Izmjena člana 2., 11., 14., 15. i 20.)**

U Zakonu o plaćama i naknadama policijskih službenika Zeničko-dobojskog kantona ("Službene novine Zeničko-dobojskog kantona", broj: 13/17) u članu 2. tačka e), članu 11. stav (3), članu 14. stav (2), članu 15. i članu 20. stav (1), stav (1) tačka d) i stav (5) riječ: "Ministarstvo", zamjenjuje se riječima: "Uprava policije" u odgovarajućem padežu.

**Član 2.
(Izmjena člana 11.)**

U članu 11. stav (1) riječi: "ministar na prijedlog policijskog komesara", zamjenjuju se riječima: "policijski komesar".

**Član 3.
(Izmjena člana 12., 31. i 33.)**

U članu 12. stav (2), članu 31. stav (2) i članu 33. riječ: "ministar", zamjenjuje se riječima: "policijski komesar".

**Član 4.
(Stupanje na snagu)**

Ovaj zakon stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 01-02-1724/22
Datum: 03.02.2021. godine
Zenica

PREDSJEDAVAJUĆI

Ćazim Huskić, s.r.

V L A D A

91.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 18. stav (6) Zakona o izvršavanju Budžeta Zeničko-dobojskog kantona za 2022.godinu („Službene novine Zeničko-dobojskog kantona“, broj: 1/22), člana 24. stav (2) Zakona o plaćama i naknadama policijskih službenika Zeničko-dobojskog kantona („Službene novine Zeničko-dobojskog kantona“, broj: 13/17), člana 38. stav (2) Kolektivnog ugovora za policijske službenike u Ministarstvu unutrašnjih poslova Zeničko-dobojskog kantona broj: 02-30-856-1/22 od 25.01.2022. godine i člana 14. stav (1) Uredbe o uslovima, kriterijima i načinu ostvarivanja naknada i drugih materijalnih prava policijskih službenika Zeničko-dobojskog kantona („Službene novine Zeničko-dobojskog kantona“, broj: 10/18), na prijedlog Ministarstva unutrašnjih poslova, Vlada Zeničko-dobojskog kantona, na 139. sjednici, održanoj dana 27.01.2022. godine, d o n o s i